


PRÆSENS figura interna calvariae basis sedes oculis subijcitur. Hic namque calvariā delineauimus, in qua superior ipsius pars subsequenti figura exprimenda, ad eum modum ablata est, quo cerebri fabricam ostensuri caput serra diuidere consueuimus.

SEPTIMA SEPTI CAPITIS
FIGURA.



SEPTIMA figura reliquam internae sedis calvariae partem monstrat, figura sexta non expressam.


CHA

DVAE proximè praecedentes figurae pluribus ornantur characteribus, uerum huc potissimum seruiunt maiusculi Graecorum, capitis ossium suturas indicantes: quae in interna calvariae sede, qua cerebrum continetur, etiam se spectandas offerunt. Reliqui autem characteres in his figuris conspici, calvariae foraminibus ostendendis conducent.

- Γ In septima figura coronalis notatur, non adeo exactam suturae compagem, atque in calvariae externa sede, exprimens.
- ΔΔ Sutura Λ litteram referens, notatur in septima. Verum & in sexta Δ etiam uisitur, dictam nuper suturam notans.
- ΘΘ In septima, sagittalis sutura indicatur. Sequentes modò notae ad sextam duntaxat referuntur.
- ΛΛ Squamosa sinistri temporis conglutinatio.
- ΞΞ Additamentum sinistri lateris suturae Λ imitantis, quod per calvariae basim contendit.
- Π Linea cuneiformi ossi & occipitis ossi communis, quae duo suturae Λ imitantis latera additamentā ue iungit.
- ΣΣ Suturae cuneiforme os, circumscribens interuallum commune ipsi & frontis ossi, & octauo capitis ossi, in octaua figura A, B indicando. Si itaque a Π ad Σ, & hinc ad aliud Σ, hinc uerò ad primum Ψ, ac inde ad secundū Ψ perrexeris, cuneiforme os in sinistro latere internaque calvariae sede circumscripseris. Vnde si eosdem characteres in dextro latere ad suas suturas poni sinxeris, eodem modo ut in sinistro latere, per characteres pergens, uniuersum cuneiforme os hoc loco descriptum fueris complexus.

OCTAVA SEPTI CAPITIS FIGURA.

QVAMVIS modò tabularum frequentia lectori minime molestus esse uelim, eoq; potissimum nomine singula capitis ossa adhuc priuatis figuris non exprimam: tamen quia ossis cuneo comparati, & dein octauo capitis ossis, quod cribri instar foraminibus peruium est, circumscriptio, non ita promptè ac cæterorum capitis ossium intelligitur, praesenti figura cuneiforme os cum octauo capitis osse, a cæteris omnibus liberum, ea facie exprimitur, qua internam calvariae superficiem cerebri sedem respicit. quod ideo maxime praestitimus, ut caernae in cuneiformi osse plerumq; occurrentes in conspectu essent. Indicetur itaq; A, B, A octauo capitis os. Verum B priuatim insinuat septum, sedes interstinguens, quae cerebri processibus parantur, qui neruorum modo à cerebro educti, olfactus organorum loco habentur.



- C D Duæ principuæ cuneiformis ossis caernae.
- E Septum indicatas modò caernas interdiuidens.
- F Alterius caernae seu antri foramen, in narium amplitudinem pertinens.
- G Cautas in humiliori sede septi posita, quod duo potissima antra intersepit. Reliqua foramina in hac figura passim obuia, cum cæteris calvariae foraminibus, duodecimo Capite enarrabuntur.
- H Cuneiformis ossis processus uespertilionum alis similes, & hic aliqua ex parte conspici. Cæterum iam tempestiuū est Capitis contextum aggredi, hæcq; omnia seriatim persequi, atq; Conditoris nostri industriam in condenda calvaria expendere. Licebit enim opinor, solis uocibus addictorum uenia, uniuersam struem tertia, quarta, quinta, sexta & septima figuris expressam, calvariae nomine complecti, utcumq; alij solam partem crinibus ornata ita appellari uelint. Atq; ita hæc moles nobis in caput & maxillā superiorē, doctrinae studio, diuiditur.

C CERE-